

詞

林

摘

艷

商調引

商傷也於律為夷則夷亦傷也應
秋肅歎之氣有淒愴然慕之者
故多闋閤懷想之詞霸人旅客
聞之如泣露之蛩吟風之蟬不
覺有動於中而又雜之以角音
愈益悲愴云

時

嘉靖乙酉歲中秋日吳郡蒲東山人
少於汚隱軒中

詞林摘艷

商調目錄

商調目錄

走將來涎涎鄧鄧冷眼兒睜

河西後庭花

迤邐秋來到

商角調定風波

鶯花寨近來誰戰討

憶吹簫玉人何處也

別團圓月明天似洗

倚龍泉數聲長嘆息

寒風布野

南蘇都春

瑣窗寒井梧秋到早

黃梅細絲江上雨

隔紗窓日高花弄影

倚帟屏數聲長歎息

暑纔消大火即漸西

爲薄情近來針線懶

太平年四時多美景

碧天晴著殘秋漸交

敞南樓夜深簾半捲

艷陽天麗人堪玩賞

歎浮生有如一夢裏

恨青青盡橋東畔柳

牡丹亭日長簾半捲

碧澄澄綠楊官渡口

讚 皇朝永安天地久

二十年死生交同志友

二十年到今無信息

景消索 二郎神

自別離到今不見影

晚生涼碧天清似水

名山自然如畫裏

半窗閑一輪涼月明

透簾櫳賣花聲喚起

詞林摘艷卷之七

吳江張祿詳校刊行

庚集

此曲之作有自來矣昔胡元大都妓女名華文秀

者美姿色與學士王元鼎有姻亦與阿魯相契異
期阿與莘作坐談及風情之任阿曰聞尔與王元
鼎情思甚篤以于方之孰最莘含笑不語阿強之
再四莘曰以調和鼎鼎燮理陰陽則學士不如丞
相論惜玉憐香嘲風咏月則丞相少次於學士哄
然一笑而罷元鼎聞之故作此以嘲之出萬花集

○商調河西爰寔宅

元王元鼎教套

走將來涎涎鄧鄧冷眼兒睜的杓荅荅熱句兒浸捨
不的纏頭錦心疼的買笑金要你消任鴛幃珊枕鳳
凰盃翡翠衾低低唱淺淺斟休逞波李翰林。

么篇

支楞絃斷了綠綺琴。玳瑁拈拆了碧玉簪。悔墮落了
題橋志。吁。闌珊了解佩心。走將來笑吟吟粧呆粧婪。
硬厮掙軟厮禁。泥中刺綿裏針。黑頭虫黃口鵠。

鳳鸞吟

自古到今。思多須怨深。你說的牙疼誓不害碇。有酒
時吟。方音有飯時啃。亦方音你來我恨前委實羞甚。

小的每聲價兒。似身材兒。婪請先生別覓箇知音。

柳葉兒

走將來也。斜頭撒漫。不熨貼性兒希林。軟處捏硬處。
搗甜處。滲休忒恁。莫沉吟。你辜負了柳影花影。

○商角調定風波

思情

元庚吉甫散套

迤邐秋來到。正露冷風寒。微雨初收。涼風兒透列檣。
袖自別來愁萬感。遣離情不堪回首。

金菊香

到秋來還有許多憂。一寸心懷無限愁。離情鎮日如
病酒。似這等懨懨終不肯斷了風流。

鳳鸞吟

題起來羞這相思何日休。好緣不到頭。飲幾盞悶
酒。醉了時罷手。則怕酒醒了時。還依舊。我爲他使
盡了心。他爲我添消瘦。都一般減了風流。

醋葫蘆

人病久。何日休。恩情欲待罷無由。哎你箇多情。你可
便怎下的辜負了我。知伊主意。料應來倚仗着臉兒
好。

尾聲

本待要棄捨了你。箇冤家別尋一箇玉人兒。成配偶。
你道是強似你那模樣兒的。呵說道我也不能勾我。

道來。勝似你心腸兒的呵到處里有。

商調○集賢賓

悔悟

皇明王于散套

鶯花寨近來誰戰討。這兒郎懸寶帶佩金貂。燕子樓
屯合了凱甲。雞兒巷簇擁着鎗刀。麗春院萬馬瀟瀟。
鳴珂巷衆口嗷嗷。將一座翫江樓等閑白占了。他道
是特欽丹詔。穿花擒鳳凰。跨海釣鯨鰲。

逍遙樂

六韜三畧也。則是制勝量敵。却做了幽期密約。陣馬
咆哮。比販茶舡煞是麗豪。將俺這軟弱蘇卿禁害倒。
統領着鴉青神道。衝開蜂媒蝶使。烘散燕子鶯兒。折

散鳳友鸞交。

梧葉兒

雖不是糟糖婦。休猜做花月妖。又不曾諳海島慣風濤。把舵春纖嫩。扶槁勛力小。恁待去征遼。沒話說。軍期悞却。

金菊香

他將這絳綃衣。罩着錦征袍。銀鎖甲。纓聯着珠絡索。鐵兜鍪。壓損了金鳳翹。改盡了半標金。不似海棠嬌。醋葫蘆。

鎗棚呵玉臂擎。箭來呵羅襖挑。丁香舌吐似劍吹毛。

連珠砲被窩兒裏聒破腦。知音的都道我不信建頭
功。先奏箇女妖嬈。

又

剪青絲。纏做琴絃。裁香羅。衲做戰襖。補旗旛。鉸題翠
裙腰。金錦藥。細將脂粉調。都是風流功效。他則想丑
花。詁下紫宸朝。

又

叫喳喳。錦攬移。鬧垓垓。盡裝搖。那里取明眸皓齒。
軍稍更。做道孫武子教的來。武藝高。止不過提鈴喝
號。抵多少碧桃花下坐吹簫。

又

他戀着蓬窓下風致佳。舵樓中景物饒。棹歌聲里樂
醺醺。犀末殺鋪紅。苦綠翡翠巢。怕不待相偎相抱。那
里也芙蓉帳暖度春宵。

又

晚風涼。簾簾鳴曉。星落顰鼓敲。熱樂似銀箏。象板熬
檀槽。則學那明皇起早。侍臣起早。白鷗冷笑。到惹的
黑漫漫殺氣。展樓高。

尾聲

妳妳得了些賣陣錢。哥哥占了些惜軍鈔。他向那海

神廟多買下些好香燒。但只願一年一度征海島。休
忘了將軍的旗號。他是箇玉門關舊日勇班超。

○集賢賓

秋懷代作

皇明陳大聲散套

憶吹簫玉人何處也。今夜病較添些。白露冷秋蓮香
謝粉牆低。皓月光斜。止不過暫時。間鏡破釵分。到勝
似數十年信斷音絕。對西風倚樓空。自嗟望不
斷。樹重疊。怕的是流光奔去馬。鴈陣擺長蛇。

逍遙樂

歡娛前夜喜報燈花。香生帶結。剗得箇和協。誰承望
又早離別。常記的相靠相偎笑。語喋盡堂中。那日驕

簪受用此樽中綠蟻。扇底紅牙。枕上蝴蝶。

醋葫蘆

我和他初相逢。臉帶羞。乍交歡心尚怯。半粧醉。半粧醒。半粧呆。兩情濃。到今難棄捨。錦帳裏鴛鴦纔方溫。熱把一枝鳳凰簪拈做了兩三截。

又

我爲他挑着燈。將好句裁。背着人將心事說。直等到碧梧窗外影兒斜。惜花心怕將春漏泄。步蒼苔。脚尖兒輕躡露珠兒。常污了踏青靴。

又

又

我爲他朋親上將謊話兒丟。他爲我母親行將喬樣兒者。我爲他在家中費尽了巧喉舌。他爲我襯湘裙。杜鵑花上血。我爲他耳輪兒常熱。他爲我面皮紅羞。把扇兒遮。

知樞令即梧葉兒

一箇是相府內懷春女。一箇是君門前裨劍客。半路里恰逢者。剛幾箇千金夜。忽刺八拋去也。我怎肯恁隨邪。又去把牆花亂折。

後庭花

夢了此虛飄飄枕上蝶聽了此玷玳瑁簪外鉄剛統
得合上溫郎鏡却又早攔回卓氏車我這里痛傷嗟
鴛帳冷香消蘭麝困將來到睡此望陽臺道路賒那
憂怎打疊這相思索害也看銀河直又斜對孤燈明
又滅青哥兒

呀風亂掃堦前堦前黃葉雲半遮柳稍柳稍殘月這
離情更比前春較陡此害的來也斜瘦的來嗶嗶待
桑田重變海枯竭還不了風流業

浪來裏煞

這愁呵剛不在眼角楚又來到眉上惹恨不的情三

尸肺腑細鑄碣。有一日綉幃中玉肌重厮貼。我將他
指尖兒輕捏。直說到樓頭北斗柄兒斜。

○集賢賓

中秋

皇明太原學齋散套

別團團月。明天似洗。更漏引鼓初催。涼砻砻一天秋
意。冷沉沉萬頃玻璃。月華映玉露泠泠。玉露湛月色
輝輝。一年最好。今夜裏對蟾光堪賞。堪題照
龍樓如玉宇。浸鳳闕似瑤池。

逍遙樂

巡開玳酒進金盃。看陳玉食樂奏聲齊。奉吾
皇聖后尊席。祥鳳雲龍同聚會。蓋天下黎元遭

際則掩這當朝
和熹。金菊香

聖主勝如那周世文王更配着漢代

千門萬姓樂雍熙處處樓臺排宴會賞今宵月明無
賽比並無有半點雲飛鳴鼓吹唱歌隨

醋葫蘆

月當天正中風生太液池天心水面少人知

明君對此思化理無為而治聖心似明月照無遺

醋葫蘆

太平景象多明時樂事宜竭誠盡孝侍

慈闈

皇天昭感明聖德因此上四方寧謐更豐年五穀

盡成實。

浪來裏煞

司大化如捧盈。急親賢允圖治。推明
聖德保無危。中秋宴享宜樂矣。一班兒忠良輔弼掌
握着磐石堅固錦華夷。

○集賢賓

高隱

無名氏散套

倚龍泉數聲長嘆息。游子去何期。添一歲長一分白
髮。治一經飽一世黃齏。風凜凜歲晚江空。雪漫漫天
闊雲低。按花嘆人猶未歸。觀不足嚴疑景致。玉壺春
艷艷銀海夜淒淒。

逍遙樂

客窗深閉止。不過香炷龍涎。茶烹鳳髓。紙帳低垂。早
難道翠倚紅偎。冷暖年來只自知。捱不徹淒涼滋味。
鴛鴦無夢。鴻鴈無音。靈鷲無依。

金菊香

看別人吹簫跨鳳上瑤池。乘興扁舟訪剡溪。真乃是
平地白雲三萬里。堪畫堪題。水晶宮翻做素玻璃。

尾聲

調琴演楚騷。研硃點周易。風流似阮進。醉如泥磨龍
香拂花牋。呵凍筆揮寫就。乾坤清氣。看人道老來安。

猶自說兵機

○絳都春

南 冬景

寒風布野。傲霜枝獨留金錢不謝。橘綠橙黃。隴樹凋零。楓葉赭。玉壺遙箭。聲微瀉。薄點綴新霜凝夜。滌場納稼。練兵習射。

梧葉兒

北

南歸鴈。暮宿鴉。投樹落平沙。覽景物堪圖畫。小陽春有歲華。放幾點碧桃花。行處猶宜駐馬。

山坡羊

南

畫閣珠簾初下。遠山寒色相亞。暖爐酌酒分香炙。波

金 商 壬
慘過冰絃。鴈柱斜金爐添火。焚蘭麝。凜凜寒威漸漸。
加流霞。玉桃宴館。娃京華。笙歌十萬家。

出隊子 南

幾處吹簫倚月榭。酒低斟。詩緩寫。薄寒無那。又添些。
慙出簾幕半遮。冬至迎長將近也。

金菊香 北

已將六館動吹葭。日晷初長。一線加。玉玲瓏。曉霜鋪。
翠丸。白盈盈。水貼冰花。捧瓊竿。酌流霞。

醋葫蘆 北

寒蔬漸吐芽。山梅欲放花。霜庭按舞撥琵琶。看園林。

歇芳歲事賒幾處觀雲書罷遙空風急鴈行斜。

東甌令 南

同雲暮晚風斜月影橫空明雪華瓊瑤一色正皎皎
迷曠野密灑歌樓飄僧舍光瑤銀海眩生花旋把數
尺粉牆半遮

玉交枝 南

閑登長榭見珂珮更照耀白馬晚來江上景瀟灑一
簑歸去正堪畫金闕玉宇凝素瓦拂窓度簾還飄下
預作太平祥瑞也。

後庭花 北

看江山景物嘉。喚秦箏賞歲華。美酒銷金帳。清風鳳
餅茶。被鶴氅訪梅花。放一棹山陰雪夜。灞橋邊詩思
誇。望瑤臺明月下。是蓬萊天帝家。

玉包肚

南

暗香飄麝。占陽和早梅放花。素姿清宜。月臺風榭低
壓。短籬茅舍。玉骨冰肌洗鉛華。倚竹依松逸興嘉。

錦羅袍

南

向日精神瀟灑。更凝酥弄粉。淺水平沙。疎枝籠月影
橫斜。前村雪裏開昨夜。羅浮山下。偏傍酒家。清韻堪
訝。素粧麗雅。月魂映竹何須借。

青歌兒

北

向紅爐排筵排筵初罷。舉金盃勸酬勸酬。流霞掃雪。
敲冰煮細茶。挿銀瓶。幾朵梅花。節屆臘八。黎庶歡譁。
佛浴釋迦。會建無遮。歲將暮。春來春風春光滿天涯。
聖人治萬國平天下。

耍鮑老

南

迎春漸覺寒去也。會佳宴坐香車。屠蘇酒慢傾瀉。燒
爆竹臨除夜。桃符換寫。春到玉缸燈落。炮然大明霜
瓦。驅儼鼓打。分隊隊正歡譁。更取鍾馗卦。分歲杯頻
把。樹盤進。仍頌花。盞簪喧。歷馬列炬散林鴉。

餘音

南

大明

聖主安天下。徧撫輯蠻夷。華夏正四海昇平。人歡也。

○集賢賓

代友人呂景儒有懷

皇明陳大聲散套

瑣窓寒井梧秋到早。霜月小粉牆高。說離思堦前蟋蟀。鬧西風枕上芭蕉。鎖不住戰兢兢一點靈犀。盼不到黑沉沉百尺藍橋。這此時玉精神爲花消瘦了。害的來難盡難描。我把他聲音兒愁記起。模樣兒怕提
着。
逍遙樂

于飛方效間阻尤多。歡娛較少。昨日今朝笑青銅兩

鬢蕭騷萬種淒涼。所轉看折挫。殺多愁。沈約怨了此
鴛鴦。帳冷鸚鵡。杯空翡翠衾薄。

金菊香

往常時花香春店馬聲嬌。今日箇雲暝秋江。鴈影遙
夢難成。幾番直到曉。四壁寥寥。燈焰短。篆烟消。

醋葫蘆

常記的透疎簾月半明。掩重門人漸悄。正嬌雲低壓海
棠梢。我和他既相知。恨不曾相見早。他燭花前將錦
筵來斜抱。刻的又背着人偷用眼兒瞧。
公篇
他也曾病懨懨。只自擔瘦。亭亭難自保。他也曾怕人

知常帶着幾分賢。他也曾擲金錢數番花下禱。他也曾直等到星移月落。他也曾倚闌干。劃損掠兒稍。

又

我和他對着神將海誓言。我和他並着肩。將眉黛掃。有時節把陽春一字字細推敲。我和他說私情一說箇天到曉。不離了相偎相抱。他見我霎時間無語。便把話兒嘲。

又

他雖無甚麼傾國妍。他雖無甚麼出類好。似這等知人的情性兒最難學。但見呵。或是忙。或是遲。或是早。那

里有半星兒遠扣。多應是我心他意兩投着。

又

他道我和你心同魚水諧情隨天地老。你休要見垂楊又去折柔條。他道是既綢繆祗宜相會少。只恐怕燕鶯知道他也曾抵牙兒幾度費量度。

梧葉兒

今日箇鳳去秦樓迥。鴻稀漢苑遙。雲散楚山高。他拍冷箏閒鴈我屏寒扇掩蕉。剗間隔幾昏朝。出牆的把秋光過了。

後庭花

又不是綠窻前花謝早。又不是瑤琴上絃斷了。又不
是青鳥音書滯。又不是銀河風浪惡。止不過暫相拋
陡恁的求神服藥。跳梭梭肉似挑。急煎煎身似燒。生
疎了月底簫。闌珊了窓下稿。茶飯又不是麼調。夢兒
又不大箇好。

青歌兒

呀。這病兒千方千方難療。百般百般不効。聽了此花
漏沉。沉夜轉迨寒透。珠箔燈燼。蘭膏風闌。簷鐸露滴。
松稍嘆。今宵別樣好難熬。眼睜睜。不到雞兒叫。

浪來裏煞

他存心豈是薄。我留情非道少。駕車的終久會題橋。
破菱花等閑重輦却。成就了錦堂歡樂。把相思一擔
擔兒挑。

○集賢賓

度金童女雜劇第三折

皇明賈仲名

黃梅細絲江上雨。碧沼翠荷舒。受用的是瑪瑙盤簇
漿酪粉。珊瑚枕。藤簾紗幮。黍新包。裹裹黃金蒲。細坐
分分白玉詠。離騷歌。楚些誰吊古。奪金標。登漿飛鳧。
繫同心。長命縷。佩端節。赤靈符。

逍遙樂

蘭湯試浴。納水閣微涼。避風亭倦午。乘竹陰槐影桐。

疎疊冰山素羽青奴剪彩仙人懸艾廂。開南軒奇峯
雲布。瓜開金子。膾切銀絲。茶煮瓊腴。

春閨怨

夫貴妻榮多來大福。畫堂羅列錦模糊。妻財子祿前
生注。是有餘。美滿歡娛。配鳳友對鸞鵒。

鴈兒落

賦新詩詠樂府。歌古調達音律。是一朵沒裊彈嬌柔
鮮語。花是一塊無瑕玷。溫潤生香玉。

得勝令

簾低簌碧蝦鬚。沉細執紫金爐。霜丸密鴛鴦。雲軒

高翡翠鋪。俺同坐着香車。侶地長就連枝樹。雙並着
驊駒如膠粘成比目魚。

賢聖吉

縷金成玉。兎鶻七寶簪。紫珊瑚墨錠也似髮髻無撚絨。
繩打着鬢鬢。皂紗巾珠洛簪。錦襖子金較輅。花難比。
玉不如雲根靴。懸抹綠面銀盆。賦粉團酥。

河西後庭花

翠娉婷。衡不俗。羨婢娟。嬌艷姝。似對月嫦娥。現如臨
溪仙落浦。

么篇

他笑呵似秋蓮。恰半吐。他悲呵似梨花春帶雨。行動

也似新鴈雲邊落。說話呵。恰便似鷓鴣枝上語。他醉
呵。晚風前垂柳翠扶疎。出浴似海棠般擎露。立呵。渲
丹青仕女面。坐呵。觀世音自在居。睡呵。羊脂般卧着。
羞玉彈呵。拂冰絃斷覆續歌。呵。白苧宛意有餘舞。呵。
彩雲旋掌上珠。

雙鴈兒

團衫纓絡綴珍珠。綉包髻。鷓鴣符。翠鳳鸞翹內粧束。
玉搔頭掩髮梳。喜相逢。蟬對舞。

望遠行

頗奈這無端的鐵拐使機謀。不知怎用此道術。將俺

那小姐迷惑來去赴玄都。推推扯扯碎俺姻緣薄。忽刺八掘斷俺前程路。空淡亂拖宵。跌足揉腮倦語將。一朶並頭蓮。碌碌可可兩分生。拆散俺鶯燕孤。瑤瑤碎碎連環玉。

梧葉兒

據情理難容恕。論所為忒恨毒。忍不住我怒氣奮宵。甫一隻手揪着執袋。一隻手揩住道服。兩隻手緊揪。掙。嚙。向明鏡也似官司告去。

賀聖朝

陡澗高山嶺峻崎嶇。交我手荒脚亂無是處。流水橫

橋眼暈心虛。蟠巨蒼老樹枯。滌猿精猛虎伏。躲避在
林莽。掩映我這身軀。

鳳鸞吟

聽的將金安壽名字呼。我這里低首拜伏。這塔兒雲
水山林。是未去處。是蓬瀛玉宇。得仙居洞處。食仙桃
飲瓊漿。甘露硃頂鶴。獻菓猿。綠毛龜。啣花鹿。壽長生
玉篆冊書。

牡丹春

嬰兒姍女趣黃芽。白雪枯被金枷。玉鎖緊相拘。將心
猿意馬牢拴住。雖然得省悟。回首認當初。

涼亭樂

迅速光陰過隙駒。恰一夢華胥。鳥飛兔走，緊相逐。晝夜催寒暑。我本來面目，仙風有道骨。爭如掩篋鼓笛兒者。刺骨歌鸚鵡舞鸚鵡。

小梁州

恰纔東風四友盡喧呼。堆紅紫翠錦模糊。又早碧池綠水映芙蕖。箇暑又是楓葉晚霜鋪。

公

正蛩音清露滋黃菊。便怎生水晶寒冰雪瑩壺暗里。將流年度。早則慢傳籌筴。藏闌令悅浮齒。

尾聲

拜辭了翠裙紅袖簇朱唇。皓齒扶夢回時。明月生南浦。向無為深處。步瑤池。聞死到蓬壺。

○集賢賓

兩世姻緣雜劇

元喬夢符

隔紗窗日高花弄影。聽何處轉流鶯。虛飄飄半衾幽夢。困騰騰一枕春醒。恰離了遊絲兒。竹塢挑溪。趲着那蝴蝶兒。飛過月榭風亭。我恰纔覺來時。倚着這翠雲十二屏。恍忽似墜露飛螢。則我這寸腸千萬結。長嘆兩三聲。

逍遙樂

尚兀自神心不定。倚遍危樓。望不見長安帝京。知他

你何處也薄情。多應戀金屋銀屏。想則想於咱家不
志誠。空說下箇磳可可的海誓山盟。赤緊的關河路
遠。歲月如流。魚鴈無憑。

上馬嬌

覷不的鴈行絃斷。卧了銀箏。聽不得鳳嘴聲殘。冷了
玉笙。獸面篆消閑了翠鼎。門半掩。悄悄冥冥。斷腸人
和淚夢初醒。

梧葉兒

火燎也似身軀熱。雖剜我這額角疼。這此時即里漸
里瘦了身形。這兩日茶飯不應。這此時睡卧不寧。

若將我這脉來評。這症候敢多應。是癢寢忘食。病症。

醋葫蘆

看了他容顏。實是撐衣冠兒。別樣整。更風流。更灑落。更聰明。唱一箇小曲兒。官調清。想着他軟款溫柔情。性。則被你坑了人的性命。引了人的鬼靈。

金菊香

看了他錦心綉腹。那些才能。更和這雪月風花可交。我怎不動情。酒席間小曲兒。編捏成端的。是剪雪裁冰。惺惺自古惜惺惺。

浪來里

幾番家官身處來的教脫眼巴巴簾下等直等到星
移斗轉二三更入門來不覺的盡堂春自生緊緊的
將他來守定那溫存那拍惜那勞承。

金菊香

幾番待落筆巧施逞爭奈這一段傷心可交我畫不
成腮斗兒上淚痕粉漬定無顏色鬢亂釵橫眼波
眉黛不分明。

後庭花

想起那和薔薇花露清點胭脂紅臘冷。往常時整花
朶心偏愛畫蛾眉手慣經梳洗處將俺這玉肩並恰

便似鴛鴦交頸。這些時玉肌削減了九停。粉香消無了半星。無心情將雲鬢整。骨捱捱瘦了形。悶懣懣畫不成。

柳葉兒

呀。寂寞了菱花的粧鏡。自覷了自害心疼。將一片志誠心都寫入冰銷燼。和我這相思令。都待要寄與書生。常言道。人憔悴不入丹青。

浪來里

你比那題橋的沒信行。駕車的無準誠。你比那漢相如。厮敬重也不多爭。我比那卓文君。有上稍少了四。

星好交我。叫天來不應。豈不聞舉頭三尺有神靈。

浪來里煞

心事人拔着短籌。有情人忒薄倖。許了我三年五載。不同程我如今。覷天遠入地近。潑殘生恰便似風內燈。見俺那虧人心短命。則我這一靈兒先飛出洛陽城。

○集賢賓

怨別

元高祖

倚幃屏。數聲長嘆息。思往事。淚淋漓。坐不穩。神魂飄蕩。睡不寧。鬼病禁持。數歸期。曲損春纖。盼回程。皺定雙眉。要相逢。則除是枕席間。魂夢裏。

逍遙樂

幾曾經這場憔悴。歌殘金縷詞。酒尽了。鳳凰盃。懸懸
在意。受了些萬苦千辛。幾曾歇。一時半刻。我這里展
轉的疑惑。越思量越越的難為。這些時。玉減香消。添
了病疾。冷冷清清。獨自孤恁。赤緊的關山路遠。一去無
音。聞不住雙眸淚垂。

金菊香

盼青鸞不至。阻了佳期。想黃犬無音失了配。對望錦
鱗落空絕了信息。似醉如痴。瘦肌膚。褪了小腰圍。
梧葉兒

兩情似酥和蜜。一心似魚共水。同衾枕效于飛。早忘了山盟海誓。更和那星前月底。到如今怨他誰。這煩惱則除是天知地知。

醋葫蘆

這些時病懨懨。骨似柴。悶昏昏。心似痴。恰便似隨風柳絮。不沾泥。一會家魂靈兒在九霄雲外飛。捱一日勝添了一歲。遲和疾早晚一身虧。

醋葫蘆

想當日對神前。可可的言誓盟。告蒼天。一庄庄說就里。全不想往日話兒。依過三秋。尚然猶未回。你那

里。偎紅倚翠。想着他。百般聰俊。有誰及。

後庭花

空閑了。翡翠幃。消疎了。鶯燕期。生拆散。鶯鶯會。硬分
開。鸞鳳樓。痛傷悲。更闌之際。明明朗朗。照開堦。月色輝
昏慘。慘伴離人。燈燄微。麝蘭散。冷了。翠幃絳銷。裙鬆
了。素軀。搵鮫銷。渰枕簾。紗窗。外風兒起。聽銅壺玉漏
滴。

柳葉兒

呀。我便是鐵石人。怎睡。一思量。一會傷悲。恰便似刀
剗。九曲柔腸碎。離恨。天人難覓。相思病。命將危。雖然
你送了人。當是麼便宜。

尾聲

一簡書和淚封。一篇詞帶愁寄。一庄庄一件件說從
實。每日家望天涯。則將那碧桃花樹倚。也是我前緣
前世想。想人生最苦是別離。

○集賢賓

北

七夕

元杜善夫

暑纔消。大火即漸西。斗柄往坎宮移。一葉梧桐飄墜。
萬方秋意皆知。暮雲閑。聒聒蟬鳴。晚風輕。點點螢飛。
天堦夜涼。清似水。鵲橋面高掛。偏宜金盆內種五生。
瓊樓上設筵席。

集賢賓

南

今宵兩星相會期正乞巧投機沉李浮瓜餽饌美把
幾箇摩訶囉光擺起齊拜禮端的是望得來可嬉。

鳳鸞吟

月色輝夜將蘭銀漢低闌穿針逞艷質蟄蛛兒竒一
絲絲往下垂結羅成巧樣勢酒斟酌醪醴香焚着麝
臍引盃觴大家沉醉櫻桃妬水底紅惹指剖冰瓜脆
更勝似愛月夜眠遲。

閨雙鷄

南

金釵墜金釵墜玳瑁整齊蟠桃宴蟠桃宴衆仙聚會
彩衣彩衣輕紗織翠禁步搖綉帶垂但願得同歡宴

團圓到底

節節高北

玉恣纖細粉腮嬌。臙爭雲闌巧笑聲舉。歡天喜地。我則見管絃齊動。商音夷則。遙天外斗漸移。喜陰晴今宵七夕。

耍鮑老南

團圓笑令心盡喜。食品愈稀奇。新摘的葡萄紫。旋剥的鷄頭美。珍珠般嫩實。歡坐間夜涼人靜已。笑聲接青霄內。風淅淅。雨霏霏。露濕了弓鞋底。紗籠罩。仕女隨燈影。下人扶起。尚留戀。懶心回。

四門子

北

畫堂深寂寂。重門閉。照金荷。紅蠟輝。斗柄又橫。月色
又西。醉鄉中。不知更漏遲。士庶每安烽燧。又息。愿吾
皇萬歲。

餘音

人生愿得同歡會。把四季良辰。須記乞巧年年慶。七
夕。

○集賢賓

閨情

無名氏

爲薄情。近來針線懶。意何處。鎖雕鞍。對青銅。千聲長
嘆。傍粧奩。萬種心煩。啼痕淚。搵腫秋波。鎖新愁。感損

春山。眇得箇南樓。鴈書真是罕。步蒼苔。羅襪生寒。斜陽外。煙水茫茫。古渡畔。草淒涼。

集賢賓

南

曾來不曾受。憔悴消瘦了容顏。尺寸柔腸。千結挽空。寫下心情。鸞箋鳳簡。傳示懶。則落的抵牙嗟嘆。

鳳鸞吟

北

秋色又闌。冷清清。蛩泣寒戍。樓中角韻殘。鐵馬珊珊。瑞璫簷舍間。助淒涼。愁越堅。茶空了。玉盞香消了。麝蘭玉露冷。金風飄散。紅葉詩水。逆流。青鳥絕佳音。起覩桃園洞口。牢關。

閨雙鷄南

黃花綻黃花綻倦臨倚欄梧桐落梧桐落懶觀怕看
翠環翠環無心粧扮歡樂消離恨趨訴苦惱除非是
愁眉淚眼

節節高北

六公輕按錦箏空範鴛幃象榻分外冷何曾經慣我
則見寶簪分斷銀瓶墜井珊枕閑感淒涼歸鴉噪晚

耍鮑老南

人言鬼病都是謊痛不似今番衣鬆了金縷絲紐鬆
開丁香綰鴛鴦被單銀座間畫堂無伴安空染相思

惠燈煌煌淚斑斑悔當初收心晚忒薄劣忒逞奸連
理枝生硬砍則落的後人訕

四門子

北

告青天忙把明香辦畧佳期何日還永腕消素臍拴
是前生降來孤運產雲鬢又憔悴淚血又彈這愁懷越
返尾聲

恩情海枯石湏爛寂寞了青樓濃扮要得相逢難上難

○集賢賓

北

中秋

無名氏

太平年四時多義景今夕景偏清正遇着中秋佳節
普天下民庶歡騰感吾皇一視同仁撫華夷四方

無警。文共武。躋蹌蹌。欽仰。

皇網正。齊都道。此身何幸。逢時須快樂。讚頌賀朝廷。

喜梧桐 南

金風送晚涼。浮雲淨一色。晴空須更飛上黃金鏡。散清光。晃漾琉璃千萬頃。桂樹影婆娑。香清露冷。駕鳳飛鸞環珮聲相應。擁群仙來會清虛境。

梧葉兒 北

迭奏雲和笛。雙吹紫玉笙。妙舞更娉婷。金闕三千界。瑤臺十二層。風露寂無聲。真箇是良辰美景。

山坡里羊 南

金水平分秋令。皓彩十分光。瑩霞盃滿泛金波。輝映
夜氣清。銅壺箭屢更。瓊樓玉宇闌干凭。高捲水晶簾。
清興又增怡情。雲影和月影。堪聽簫聲雜鳳聲。

賀聖朝

北

月到中天萬國同明。倒浸着山河影。桂魄孤疑。只見
那玉兔銀蟾顧影頻驚。寶鼎內香焚金杯滿。傾過行
雲齊唱着新歌共樂昇平。

水紅花

南

良時何幸際昇平。會蓬瀛。人人歡慶。那風月兩同清。
永安寧。家家相慶。且喜得風調雨順。更遇着歲稔年

登福慶化雲蒸也羅

滿堂春 北

樂昇平也波樂昇平也波平。王燭調和海波澄也波。
澄景星霄見卿雲興也波興醴泉盈嘉禾盛甘露零
人人共仰萬福萃佳禎。

一封書 南

虔誠感 聖明廣仁心行德政振綱常法度整重官
僚育俊英鑿井耕田民樂業連野桑麻戶不扃滿城
闐管絃聲皞皞熙熙喜氣臻。

金菊香

醋葫蘆

德風遠被萬方遵四海蠻夷總効誠仰神京志心
齊引頷會梯航輻輳來庭貢方物獻奇珍駉馳擎
寶瓶金獅簇絳纓更希奇白象雪毫明鱗鱗鰓翠翎
向丹墀齊擺定悃悃拜舞表中情

梧桐樹南

四夷賓邊方定鉦鼓無聲閑將闌烽烟不舉塵埃靜
見這商旅通行任經營那更問閭鷄犬聲相應正是
華夷一統咸遵號令

村里迓鼓北

正今日演武修文因此上民皆興行盡忠立孝行慈

悌夫從婦聽撫子孫信朋和里隣真箇是民豐厚謀
簇御林

民豐厚無闔爭有司家詞訟省最清閑曹案文書靜
衆官僚守法守法遵朝命萬姓寧托賴看一人
有慶時逢佳節總歡忻

元和令 上馬嬌 遊四門

秋宵涼灝氣澄暮靄散彩雲淨一年此景最分明愛
光輝月底清只道是山河遙浸雪波中掛涼樓下遠
汀耀錦城晃玉京瓊佩響玎玎群仙翕聚鸞鳳詠羽
蓋雲軒謾說道周生百尺繩驀聽風飄桂樹聲香濕

露華凝萬古。高秋結冰精。廣寒路近。璫霄飛鏡。一舉
到蓬瀛。

黃鶯兒 帶 梧葉兒 南

香羅細白。佇輕翠屏開。湘簾整。旋添沉速。焚金析珍
饌。再陳瓊卮。更斟慙慙。捧進多誠敬。夜轉深。涼颼時
薦爽。清沁透玉壺冰。忽見這珠簾外。度流螢。光輝散
明星。又見得霞綃輕捲。耿玉繩浩興增。不負了良辰
美景。雙鴈兒 北

看天邊斗轉。與參橫。漏頻催。良夜水金井。梧桐月華
映。香霧飄花弄影。見銀河明耿耿。

皂羅袍

南

合管絃多清韻。盡歡娛。快樂笑語紛紜。普天下率土
荷陶鈞謳歌。鼓腹攄誠悃。天長地久難忘
聖恩。齊心讚頌。敷揚至仁。仰蓬萊咫尺
龍顏近。

餘音

南

效封人三祝。多欽敬。深深拜月共瞻星。但願
皇明萬萬春。

○集賢賓

步

無名氏散套

碧天曠暑殘。秋漸交。恰梧葉一飛凋。火雲收。長空似

水晚風涼。紈扇停搖。影莎邊、蟋蟀初鳴。舞花前、鸚鵡
聲嬌。柔金柳絲非見。裊淡烟、籠野渡浮橋。山屏列盡
影。水鏡照人描。

逍遙樂

新涼統到大火西流。清商應却可。又早玉露零飄滿。
皇都秋景初交。鳳閣龍樓。瑞氣遠橫波。清淺露平郊。
銀河萬里。星渚含光。秋聲漸高。

知秋令即梧葉兒

時遇着昇平世。閑穿針。相乞巧。任仕女逞妖嬈。耿耿
雙星燦。迢迢銀漢遙。金殿上喜排簪。但只愿長生不

老。

金菊香

我則見齊排錦瑟列檀槽。設列銀箏。間鳳簫。半捲珠簾。香霧繞。滿捧香醪。人共喜慶良宵。

醋葫蘆

華筵開玳瑁。彩衣稱絳綃。長生殿裏勝天曹。鵲橋黃須索。高掛挑夜涼。歡笑拚沉醉。樂醕醕。

浪來裏煞

慶豐年人盡歡賀。雍熙萬民樂華夷。一統永堅牢。太平年四方皆納表。昇平佳兆。荷當今聖壽與天高。

○集賢賓

中秋

皇明陳大壽

敞南樓夜深簾半捲。看雲翳淨遙天。人世裡秋光將
半。碧天邊兔魄初圓。共清光萬戶千門。明佳期動歲
經年。立高寒觀天不甚遠。分明的桂影高懸。我這里
臨風歌窈窕。把酒對婵娟。

逍遙樂

逢時開宴。老子今宵。風流不淺。笑聳吟肩。伴麗豪酒
聖詩仙。果是今年勝去年。將數曲闌干倚遍。慙慙問
月人。既多情。月豈無言。

醋葫蘆

盈虧在數餘尋常任晦顯。一輪兒今夜向尊前聽覓。
裳羽衣仙韻演大開着廣寒宮殿覓浮槎直犯斗牛
邊。

醋葫蘆

我笑那玄暉吟詠慳瘦元亮局量匾一箇袁宏牛渚
便迴船若嫦娥肯將人可憐許一箇年年相見又何
妨夜夜拚遲眠。

醋葫蘆

那洗炎蒸露滿衣快襟懷風一剪。恰金神戰退了火
龍權好良宵祇憑歡笑遣報徹了銅壺銀箭水沉香
消盡玉爐煙。

梧葉兒

人意滿月光少月明多人事蹇今日箇人月兩團圓
玉山倒君休記綠醅空衣再典則管里苦留連問甚
麼梧桐影轉。

後庭花

把瓊觴住又傳將瑤席收更展直喫到樹杪銀河瀉
城頭斗柄偏杯爛熳興陶然猛可里秋聲一片竹簫
瀟曲檻前葉飄飄荒砌邊望淒淒的話最便鴈呀呀
的聲漸遠。

青哥兒

月有意清光。普通人幸得此身康健。人有意時。月有緣。願的歲歲年年。人月依然。老子痴顛。白髮垂肩。睥睨青天。呼吸長川。坐太乙池蓮。駕御寇雲軒。袖拂秋烟。手挾飛仙。紗羅樹底藥爐邊。直要見嫦娥面。

浪里來煞

陰晴少定期。造化多遷變。一年裡能有幾回圓。人情暗隨天道轉。天若是與人方便。儘今生常醉月光前。

○集賢賓

暢懷

無名氏

艷陽天。麗人堪翫賞。正紅紫競芬芳。聽出谷鶯。迂喬木見尋巢燕。語離梁。繫花駢綠髮。匆匆駐香輪。紅粉雙

雙醉鄉中。五陵人開。穠動仙音。一派笙簧。端的是風流佳景色。勝日好風光。

梧葉兒

恰梅子垂金彈。早榴花綻錦囊。看鴛鴦小池塘。亭靜荷香噴。軒幽竹蔭涼。此景豈非常。貪觀處偏。耳日長。

後庭花

却又早。時西巖丹桂芳。對東籬黃菊香。繞院宇炎光。退早園林秋氣爽。楚湘江。這其間。賓鴻嘹唳。正蛩吟絮短牆。又寒蟬鳴綠楊。喜金風入戶涼。喜金風入戶涼。

柳葉兒

呀。幸遇着豐年之象。剪瓊花六出。翺翔紅爐暖閣。斟
佳釀。陽春唱放。清狂野梅開。出嶺溪傍。

青哥兒

應當把顰眉顰眉展放。必須將賞心賞心舒暢。莫惜
千金醉一場。您可便解放吟囊。詠斷詩腸。想人生義
景良辰。莫教忘且放開江湖量。

尾聲

喜的是玉蘭邊瓊樓上。漫漫風雪夜茫茫。一色無瑕
似玉粧。

○集賢賓

嘆世

呂菴

嘆浮生有如一夢裏。將往事已成非。迅指間紅輪西
墜。霎時間滄海塵飛。正青春綠鬢斑皤。恰朱顏皓首
顰眉。轉回頭都做了北邙山下鬼。

逍遙樂

題起來總是傷悲。都不如酒淹衫袖濕。花壓帽簷低。
有何拘繫。則不如一枕安然。直睡到紅日三竿未起。

梧葉兒

爭甚名和利。問甚麼我共你。咱人可也轉眼故人稀。
漸漸的將朱顏換。看看的早白髮催。題起來好傷悲。
赤緊的當不住白駒過隙。

後庭花

嘆光陰一夢裏。韶華如逝水。觀塵世無窮事。盡今生有限。盃莫感疑。急流中湧退。蟠溪岸魚更美。首陽山藏正肥。西華峯景物奇。洞庭湖風力微。

雙鴈兒

不如聞早去來。芳樂清閑。窮究理無辱。無榮不索。繫守清貧。絕是非。遠紅塵。參道理。

醋葫蘆

到春來聽黃鶯。枝上鳴。聞杜鵑。花下啼。聲聲叫道。不如歸。囊中錢。勸君休愛惜。拚了箇醉而醒。醒而扶醉。

席前花影坐間移。

醋葫蘆

到夏來看湖光歛。澁生香風處。處微披襟散髮綠楊隄。得一日過一日無了一日。爭何名利。想人生自古七十稀。

醋葫蘆

到秋來看東籬菊綻金。說長天月侶水正江涵秋景鴈初飛。樂吾心笑談飲數盃酒。逢知契把黃花亂插滿頭歸。

醋葫蘆

到冬來落瓊花陣陣飄。剪鵝毛片片飛橫窓梅影映。

疎籬草堂中滿斟酒數盃醉時節耽睡一任交紅塵
滾滾往來飛。

尾聲

蝸角名休苦貪蠅頭利總休覓鶴長鳬短不能齊到
頭來不知誰是誰我則待混俗為最總不如葫蘆提
後大家提。

○集賢賓

贈別

元喬夢符

恨青青盡樓東畔柳曾發送少年遊散晴雪楊花清
昼又一場心事悠悠翠絲長不繫雕鞍碧雲寒空掩
朱樓揎羅袖試將纖玉手綰東風搖損輕柔同心方

勝結纓絡綉香毬。

逍遙樂

綰不成鴛鴦雙扣。空驚散稍頭一雙錦鳩。何處忘憂。
聽枝上啼鳥聲幽。你怕不弄春巧。轉歌吟驚回好夢。
題起離情喚醒閑愁。

醋葫蘆

兩情珠淚垂。煙燼翠黛收。殢風流還自怨風流。病多
看來不柰秋。秋來先瘦晚風殘月上簾鉤。

浪來里煞

不要你護雕欄。花愁。香蔭苔石徑幽。則要你時行人。

終日替我凝眸。則要你重溫霸陵別後酒。如今時候
則要向綠陰深處攬歸舟。

○集賢賓

春傷別

李愛山

牡丹亭日長。簾半捲。推綉枕。聽啼鶯。夜雨過。梨花褪。
雪曉風輕。柳絮飄綿。憶多情。萬水千山。眇佳期。甚日
何年。近香奩。理粧貼翠鈿。尚然有睡紅一線。情濃眉
黛裏。愁入鬢雲邊。

逍遙樂

嘴。古都釵頭玉燕。面波羅鏡裏。青鸞盡不盡。春山晚
轉。恨惹情。揜對東風飛。李無言。章臺路。望來不甚遠。

張京兆那裏也不見香消蛾綠燈燼蘭煤帳冷沉煙。

梧葉兒

粉臉淡蛾眉皺粧殘新月偃愁壓遠山偏火燎祆神廟。
花飛金谷園春去武陵原直恁的緣薄分淺。

金菊香

托香腮不語轉淒然淡注珠唇顰翠蟬呆答顙對人。
羞見面則被這鬼病懣纏斷柔腸心事在誰邊。

醋葫蘆

宵減酥臉褪蓮似楊妃病吐荔枝涎西施釵成麋鹿。
苑頰不開璉環金釧不由人終日恨綿綿。

浪來里

想當日整玉容並粉肩。晚粧樓上鏡臺邊。盡出對初
生月。何日圓。到如今。桃花人面。悶懨懨。憔悴似去年
前。高平調煞。

那時節和風麗日滿東園。花共柳紅嬌綠軟。走箏飛
觥品竹調絃。唱道是。美滿歡娛。似比翼鳥于飛。燕閑
情。侵翠靨。春意近。花鈿今日箇。寶釵頭。擘雙鴛。看何時
鏡重圓。因此上兩道春山翠痕淺。

尾聲

春殘連理枝。香冷合歡扇。好姻緣。番做了惡姻緣。還

不徹相思債。叫不應。離恨天知他是甚時相見。兩峰重畫翠婢娟。

○集賢賓

詩酒玩江樓

無名氏

家住在碧澄澄綠楊官渡口。張網索架魚舟。恰離了黃蘆岸。白蘋洲畔。早來到綠楊堤。紅蓼灘頭。為活計。策笠輪竿。做知交。伴着些野鷺沙鷗。我恰纔釣活魚。旋將村醪酒。趁西風。倒大來悠悠。船灣在鸚鵡洲。夢不到鳳凰樓。

逍遙樂

得了此安家情。受畢罷了夜去明來。再不去載花渡。

柳見風流學得風流聽了些宜時艷曲歌謳看了些
窄窄弓鞋蹴鳳頭拂紅裙緊挽定玉手。

金菊香

你道是親蒙官長把咱勾我可是麼一醉能消萬斛
愁走將來氣撲撲高叫吼我和你有甚冤讎不明白
一似打春牛。

梧葉兒

村疇兒裏爲活計趁西風得自由幾曾道是經官府
惹閑愁不識一箇冬和夏不辦一箇春共秋你着我
便念甚麼勾頭小人是箇不識字的煙波釣叟、

醋葫蘆

小人有破房兒一兩間。家裏三四口。止不過朝耕暮種。靠田疇。公人每便將兩鬢揪。越分說。越添了此。偏恁。酸騰騰。火上似澆油。

醋葫蘆

每日家錢四百米二斗。朝迎暮送。走的滑熟。玉真外。怕人相趁。逐來時節。鍾聲時候。正值着曉星殘月。五更頭。

醋葫蘆

那姐姐容顏似雨內花。腰肢如風外柳。更知音標致。

更風流量這箇打漁人怎諧鶯燕友請你箇官人窮
究怎下的牡丹花剪碎喂春牛。

醋葫蘆

那姐姐香甜俊羨嬌小人又村蠻蠻強醜醜和嬌兩
意怎相投月明中便將懷內撈覷了我麝皮村肉恰
便似霄圍兒靠定一塊家黑石頭。

後庭花

准備着並頭蓮下藕再不去夕陽江上走不是我性
狠生毒害也是我官差不自由到來日架扁舟船撐
在當溜若依隨兩罷手不依隨百事有脚踏定船樞

口。滉一滉一命休。

雙鴈兒

越着這一江春水向東流。到官中難素休。浪急風顛。越倜傥好姻緣一筆勾。舊恩情兩罷手。

浪來里煞

雙鮮元使的計策。蘇小卿落機勾。打漁船準備釣鰲鉤。他是箇星星人落在漁父手。承相你勉勞台候。則我這鐵頭槁擲倒翫江樓。

○集賢賓

漁樵樂

無名氏

讚
皇朝永安天地久。傳萬載播千秋。洪武闡威嚴。

浩大至明寬萬里平牧。文官每戶列簪纓。武官每受
賞封侯。都有那扶軋坤補完天地手。治軍民勉慮除
憂。八方無士馬。四海息戈牟。

逍遙樂

功成名就。社稷咸寧。吾皇萬壽。百姓每歌謳。慶豐
年四野田疇。民樂業田蚕百倍收。托賴着洪福寬
厚。立國安邦。君正臣賢。萬古傳留。

梧葉兒

民安樂。軍袖手。擊壤牧童謳。詞訟減三綱。正戶口增
丁數有。田蚕勝四時收。保社稷天長地久。

醋葫蘆

樵夫放下斧斤。漁翁每罷釣。樂江湖歲月永無憂。
使兒童再邀住林下。叟閑時節。把詩書窮究。剖香橙
共飲軟金甌。

雙鴈兒

喜田疇百倍四時收。俺農家閑袖手。耕種鋤鉋事完
就。魚一頭酒一甌。請賓朋邀故友。

金菊香

黃花紅葉正中秋。泉水涓涓清自流。瑤琴一操由未
週。舉目凝眸。見隣翁相請翫田疇。

鳳鸞吟

禾黍又收。倉廩中米麥有。把佳醪自釀熟。農物又週。
不耕耘閑坐久。訪知交。謁故友。與賓朋。趁逐飲一場。
醉酒今日罷。明朝依舊。謝天公。雨露恩感。聖主恩寬。
厚。俺農家無慮無憂。

北山坡里羊

茅菴左右山明水秀。有猿鶴共我相親厚。去閑遊遇。
汀洲飲罷黃昏後。笛吹道詞三四首。漁相趁逐樵為。
故友。酒旗兒。

江水澄澄一小舟。垂鈎錦鱗釣得兩三頭。覓賓朋。知。

舊友。四季花

晚來漁夫至灘頭。樵子訪瀛洲。偶然相遇松林後，携手笑相逐一齊的長嘯海天秋。

高過煞尾

飲數甌。真窮究。民安樂業永無憂。且開懷暢飲這一盞歡悅酒。從今參透常言道。人無百歲七十休。

○集賢賓

范張雞黍

宮甫

二十年死生交。同志友。曾兩箇再相見。永無由。一靈兒伴孤雲冥冥杳杳。越悲風蕩蕩悠悠恨。不的摔碎我袖裏絲鞭。走乏我坐下驂騑兄弟也。為你呵整整

的三晝夜水米不曾到口沿路上幾曾道是半霎兒
傳留身穿着總麻三月服心懷着這千古一天愁。

逍遙樂

打的馬不刺刺風團般馳驟百般的抹不過山腰
不到地頭那里也那故塚新址仰天嚎哭破我咽喉
更那堪樹裏陰風不任吼恰黃昏雪霽雲收猛聽的
哭聲哽噎遙望見旛影飄颻眼覷殢魂堯猶。

金菊香

三生夢斷九泉幽兄弟也誰想你一日無常萬事休
莫不為尊堂妻子憂三件事我索承頭你一身辭世不

須憂。梧葉兒

舉孝廉為三聘。論文才第一流。兄弟你不拜相決封侯。正滄海魚龍夜。趁西風鵬鷗秋。此一去了不回頭。兄弟也。恁哥哥可便這煩惱。越感的天長地久。

掛金索

皮愁箇定骷髏。黃甘甘面色渾消瘦。恰便似刀攪我。這心腸痛殺殺的難禁受。恨則恨箇月之間。少人問候。早知道你病在膏肓。我可便捨性命將伊救。

村里逐鼓

兄弟你那九泉孤塚。可惜了好人不長壽。據着你平

生正直無私。屈心無塵垢。想着你腹中大才。腦中清
氣。都做了江山之秀。閃的我急急似漏網魚。呀呀似
失了群鴈。忙忙似喪家狗。我一會家身恍惚。提心在
口。

元和令

數日前落長星大似斗。流光射夜如晝。元來這喪賢
人地。慘共天愁。樹掛盡汝陽城外柳。則這青山一岱
盡白頭。滿城人雨淚流。

上馬嬌

休道是人一州。便做道力萬牛。百般的拽不動輦車
軸。兄弟那英冤耿耿。將咱候志氣酬。將你那靈聖暫

時休。遊四門。

踈刺刺慘人風過冷颼颼。支生生頭髮似人揪。靜悄
悄荒郊野外申時候。昏慘慘落日墜城頭。景物又幽
村落帝林丘。殘雪又收寒鴈下汀洲。

勝葫蘆

都做了野草閑花滿地愁。你為我不肯入墳丘。將這
一二十人休落後。這的是誰新誰舊。誰薄誰厚。兄弟
也不能勾相守到白頭。

後庭花

祭酒奠到五六斗。輓詩吟十數首。耗散了精英氣。沉

埋了經濟手。論交游。也不在諸公右。播聲名。洪宇宙。
吐虹蜺。貫斗牛。卧白雲。商嶺頭。釣西風。渭水秋。笑嚴
陵。傲許由。到如今。一筆勾。

青歌兒

雖不曾功名。功名成就。索強如古今。古今前後。你是
箇一介寒儒。過如箇萬戶侯。今日歸休。人死不中留。
咱意氣相投。你知我心憂。來到汀洲。將高節清修。向
白玉堦前拜冕旒。我與你叮嚀奏。

柳葉兒

呀。見如今。光前絕後。虛飄飄。水上浮漚。我親身自把

靈車扣。一來是神靈祐。二來是鬼推軸。我與你哈刺刺直拽到墳頭。

醋葫蘆

母親也。你将那伴鬼幡疾便回。蟠子兒共姪兒休落後。到家中你與我謝相識。親友省僝僽。我今夜共君章子徵墳院裏宿。自恨我逢喪來後。又不是沽名吊譽。沒來由。

醋葫蘆

待不去呵。逆不過老母情。待去呵。我又怕不應俺兄弟口。想着俺對窓前風雨幾春秋。則落的墳頭前幾盃。

澆奠酒從今別後要相逢則除是枕席間夢黃昏鷄
報曉五更頭

醋葫蘆

到春來怎听那杜鵑啼山月曉到夏來亂蟬聲暮雨
收到秋來怎禁那寒蛩啾唧泣清秋到冬來寒鴉萬
點都在那老樹頭幾件經年依舊似這般漫漫長夜
幾時休

高過浪裏來

則被這君章子微將我緊逼逐並不曾相離了左右
不得已且隨衆還家到來日絕早至墳頭唱道我與

你廬墓丁憂這一片心果無虛謬更那堪朔風草木
偃_日虎狼愁四野田疇三尺荒丘魂魄悠悠誰問誰
憐兄弟也空着我欲去也傷心再回首

尾聲

可憐朱顏妻未老青鬢子年幼白頭老母正堪憂眼
中淚和我這心上愁兩般兒合就都做了一江春水
向東流

○集賢賓

識飄蕩

皇明誠齋

二十年到今無信息直恁的又別離又不敢明明的
作念你自索暗暗的傷悲恰捱過賞燈時午夜元宵

艱

樂府作來
思

不覺的蹴鞦韆上已寒食。急回頭日長端午期。沒揣
的玉露淒淒。光陰如過客。寒暑急相催。

逍遙樂

常想着別時容易。到如今見後猶難。只除是相逢夢
裏人。孤另寂寞羅幃。錦帳空閑。淚暗垂。數歸鴻。信遠
音稀。好交人煩惱。惱怨怨哀哀。慘慘淒淒。

金菊香

珊瑚枕上夢初回。剗暖的鴛鴦被半壁。怎禁那月到
紗窓。涼露淒淒。聽銅壺玉漏聲遲。便是鐵石人也感得
蹙雙眉。

梧葉兒

常想着香肩並。也曾將玉手携。實指望效于飛間阻。
了。鴛鴦會。分開了。鶯燕期。不似你忒着迷。則為那十
件兒風流愛彼。

醋葫蘆

眉呵喜孜孜。翠靨過曲灣灣。粧鏡裏把翠黛輕掃出。
香閨感春色。若將心事擬題起。那別離滋味。鎖雙蛾
愁蹙的。遠山低。

醋葫蘆

髮呵木犀油攏掠光。薔薇露滋潤。美綰青絲半。顰綠

原書作樽
席前

雲垂。若是向玳瑁筵前穩坐地。雲鬟高髻。將一枝寶
花斜插。着取相宜。

醋葫蘆

口呵綻櫻桃紅半分。吐幽蘭香暗襲。笑談中出落着
玉粳齊。半啓朱唇。將甜唾唧。央及一會。唱一闋縷金
歌聲遏的碧雲迴。

醋葫蘆

臉呵憶香腮。悲興歡想芳容。嗔共喜。他若還淡粧濃
抹。總相宜。酒席上若還多飲了數杯。看他這俊龐兒
標致。恰便似曉霞烘春透一枝梅。

醋葫蘆

眼呵轉雙眸。明似星溜秋波。嬌欲滴。怎當那送春情。
一笑萬金直。若還是半醉朦朧初睡起。雨雲歡會。放
也斜。先把角兒垂。

醋葫蘆

手呵數歸期。屈指尖似柔荑。偏細膩。鳳仙花紅染的。
玉纖齊。若還是慢理着冰絃。在星月底。把瑤琴相對。
見了些露春葱。舒玉笋。拂金徽。

醋葫蘆

足呵蕩湘裙。半拆慳。蹴金蓮。雙鳳嘴。窄弓弓三寸兒。

步輕移。他便是躑遍了香塵。不見跡。也子是天生的。
可嬌。將他那綉鞋兒。堪做箇暖金盃。

醋葫蘆

腰呵逞風流。一捻兒顯妖嬈。嬌媚體。恰便似擺春光。
弱柳任風吹。不似你愛他。呵在人前誇大嘴。便有箇
玉天仙出世。看了他。輕歌妙舞。有誰及。

醋葫蘆

乳呵紗厨中。午睡醒。晚涼天。新浴起。恰便似紫葡萄。
寒沁玉冰肌。到晚來。半露着酥臂。在鴛帳裏。畧嚐些
風味。怎當那軟柔柔。香馥馥。好東西。

醋葫蘆

寢呵赴陽臺雲雨期殢芳情春意美一會家也斜着
星眼皺着雙眉直寺的粉臉上溶溶香汗濕嬌羞無
力那溫存那摑惜那昏迷

金菊香

想從前歡會怎追隨到如今阻隔的雲山千萬里但
將那十件兒在你心上題便引的廢寢忘食不覺的
沈腰寬褪了舊羅衣

浪來里煞

我這里把鸞箋親自寫他那裏將鴈帖速來寄我這

裏拆開封孜孜地看了笑微微若還他海枯石爛心
不移。不忘了說來的盟誓。少不的碧桃花春暖鳳鸞
棲

○二郎神

怨別

楊景言

景消索。迤邐秋光漸老。隱隱殘霞如黛掃。暮天闊。煙
水迢迢。數簇黃花開爛熳。敗葉兒浙零零亂飄。無聊
綠依依翠柳。滿目荒蕪衰草。

梧葉兒

淒淒涼涼懨懨病。悠悠蕩蕩魂魄消。失溜疎刺金風
送竹頻搖。漸漸的黃花瘦。看看的紅葉老。題起來好

心焦。恨則恨離多會少。

二郎神公篇

記伊家幸短。枉着人煩煩惱惱。漾漾歸來入綉幕。想薄情鎮日。魂消乍離別。難棄捨。索惹的懨懨瘦却。

金菊香

多應他意重我情薄。既不是可怎生。鴈帖魚緘音信杳。相別是話兒不甚好。恨鎖眉稍。越思量越思想。越添憔悴。浪來里煞。

情懷默默。越焦。冷冷清清更漏迢。盈盈業眼不暫交。盡燭熒熒他也學人那淚珠兒般落。暢道有幾箇。

鐵馬兒鐸琅琅的空聒。噪響珊珊。拊拊的寒砧搗呀。
呀的塞鴈南飛。更和着那促織兒絮叨叨更無了。

○集賢賓

閨情

自別離到今不見影。空撒下誓海共山盟。心性似隨
風柳絮。身飄蕩如水上浮萍。悶懨懨無語無聊。冷清
清斜倚幃屏。不知近來誰志誠。姻緣如火上冰冷。孤
幃愁戚戚。綉幙冷清清。慵臨臺鏡。恰便似紙做的湯
瓶。冲饑的盡餅。

逍遙樂

我這裏側耳聽聲。却元來風擺簾櫳。鬼病纏綿可慣。

經瘦的來伶仃。悠悠一枕夢魂驚。

鳳鸞吟

睡不寧。怎交人捱到明。這殘生風內燈。蘇小卿怎不
怨雙縣令。約當初山寺等。我這裏自評。撲簌簌淚傾。
兩三番空着人候。倖。浙零零細雨霏。骨捱捱干成病。
冷清清獨對孤燈。

醋葫蘆

針線不待拈。鬚鬆不待整。不能調理強施逞。一去
了半年不見影。在那裏誇強賭勝。從別後不記的一
星星。金菊香。

睡不安卧不寧相思寂苦捱殘更樵樓上畫角愁倦
聽恨咱薄倖一無成事百無成

尾聲

怎禁這良夜冷月華靜自思量長嘆兩三聲無情懶
觀園內景題起他踈狂情性得見那負心的方顯卦
兒靈

○集賢賓

怨別

無名氏

晚生涼碧天清似水秋意慘景淒淒最關情寒蛩啾
唧助離愁塞鴈聲悲聽樓頭禁鼓初敲更那堪畫角
頻吹時青鸞杳然無信息想人生最苦別離甚時成

配偶何日赴佳期。

逍遙樂

那裏也安眠穩睡。在何處戀酒迷花。怎下得辜恩負
德。消滅了腰圍。淡春山誰畫蛾眉。則落的一聲長嘆
息。空對着景物狼籍。花殘易發。葉落疾生。人去難迴
金菊香

金風淅淅衆星稀。玉露泠泠皓月輝。無心凭欄十二
倚。寒透羅衣。不由人滿眼淚雙垂。

醋葫蘆

意懸懸想念着伊。悶懨懨成病疾。臉憔悴似呆痴。

向深沉盡閣庭院裏。倦舒鴛被。玉纖曲損。數歸期。

醋葫蘆

幾時得笑吟吟。兩意親。喜孜孜。捧玉盃。雙雙携手入羅幃。同衾共枕。成配對。那些兒。重會。再不去。愛月夜眠遲。

尾聲

俏冤家。情意改。早忘了。言盟誓。料今生。難得效。于飛。捧香再向神前祈。若得咱鸞鳳重配。那其間。慶賀做筵席。

○集賢賓

四弄樂

無名氏

名山自然如畫裏。四野景清奇。分兩下青松檜栢列。
週圍竹徑花溪。綠陰中。啄鳥調舌。白雲下。鶴唳猿啼。
則聽的響潺潺。細流金線水。玉泉山堪詠。堪題。雲山
天外倚。松栢恠龍垂。巍巍山勢。遍地花開。山峯秀麗。
逍遙樂。

梧葉兒

恠嶺深堤遍。山林處處芳菲。亘古及今人詠題。山色
增輝。端的是青山綠水。

山峯秀秀水溪溪。澗遶山圍。圍遶山無數。數不盡石
亂壘。壘岩下映疎籬。籬簷畔漁樵樂矣。

醋葫蘆

春光如水清。桃花似火堆。隨風柳絮不沾泥。十二玉
欄天外倚。松花飄墜。一年此景最爲駐。

醋葫蘆

夏天如降火。炎風撲面吹。披襟撒髮醉扶歸。荷花蕩
漾香拂鼻。清和天氣。浮瓜沉李飲金盃。

醋葫蘆

砧聲兒不住。搥鴈行兒擺得齊。菴山賞翫閑芳菲。蕭
蕭夜涼風力微。登高爲最。挿黃花共飲賞東籬。

醋葫蘆

冬寒冷氣侵疎窓梅綻藥撲簾瑞雪恰似玉蝶飛
樂吾齋笑談數盃冰花飄墜紅爐暖閣醉如泥。

尾聲

歸山絕物理仰天垂慚愧遊山骭水盡忘機我愚痴
盡交似木石後生可畏憑着這移星斗喚風雷

○集賢賓

秋思

無名氏

半窓閑一輪涼月明十分悶又被這兩庄兒應怎禁
那撲簌簌樓頭禁鼓更和那銀臺上昏慘慘孤燈倚
單枕捱不盡淒涼靠幃屏嘆不盡心情則我這睡不
安畧應夢怎成。

逍遙樂

則我這綉衾寒風透疎櫺。怎聽的簷間鐵馬聲。誰想到音杳了。紫鸞笙。倦臨粧鏡。怕見鶯花。懶觀翠屏。想念俺梁鴻。端的是錦綉才能。俊俏多情。瘦損形容。空看人上危樓望。斷雲鵬程。這此時魚沉滄海。鴈落沙汀。恰便似線斷了的風掙。

金菊香

常記的春遊郊圃展才能。則他這花下題詩吟。和的清風流般。俏罩曾他和我並香肩。同至郵亭飲芳樽。憶春色。贈春情。

醋葫蘆

他能裁洛陽縣內花。善取那東流紅葉影。學的是章臺走馬。畫眉行。常記得正秋光。操琴夜月清。唱一篇新詞美令。他向青樓端的占嘉名。

梧葉兒

思薄倖。念可憎。說的話不相應。冷落了陽臺臺。瀟疎了楚岫屏。不由我淚潸潸。端的可望斷。關山萬層。

後庭花

則他那信不通。鴻不鳴。則我這食不甜。病已成。則俺這京兆尹。把心情忘。因此上洛陽花。把枝葉兒零想。

起他舊恩情。誰承望。今朝孤另。則我這情淚流深似井。黃昏悶高似巔。錦箏閑。鴈柱停。紫簾閑。象板空。

柳葉兒

他多管占鰲頭已定。享榮華一舉成名。戀着畫堂金屋。成婚嫂。則我這相思症漸伶仃。則我這俏形骸難入丹青。

尾聲

房櫳綉幙閑。簾外盡樓靜。望巫山縹緲碧峯層。莫不是蘇州刺使不慣經。則我這多憂多病也。則是雨雲司積趲下的誓山盟。

○集賢賓

閨情

谷子敬

猛聽的透簾攏賣花聲喚起。將好夢却驚回。更和那
迂喬木鶯聲偏翠。上紗窓日影重移。暗沉吟。失魄消
魂。悶懨懨似醉如痴。把重門緊緊深閉起。怕鶯花笑
人憔悴。離愁何日滿。此恨有誰知。

逍遙樂

則為那無媒匹配。勾引起無倒斷相思。染下這不明
白的病疾。眼睜睜的將我來拋離。發喬才更狠似王
魁。我這裏罵一聲。却又悔。空沒亂怎地支持。則落的
長吁短嘆。倒枕垂床。廢寢忘食。

金菊香

這步時龍涎香。變冷了金猊。鴈足慵安生了。綠綺。羊羔懶斟。閑了玉盃。覩了這一弄兒狼藉。不由人輾轉越傷悲。

浪來里

詩吟出錦綉文字粧成。古樣體衣冠。濟楚俊容儀。酒席間唱和音韻美。一團兒和氣。論聰明俊俏。有誰及梧葉兒。

刀攪也似柔腸斷。扒推也似淚點垂。似醉有如痴。筆硯上踈了工課。茶飯上減了飲食。針指上罷了心機。

怎對人言說這就裏。

後庭花

想着他身常愛紅翠偎。心偏將香玉惜。面勝似何郎粉。手能描京兆眉。閑時節笑相偎。恰便似鸚鵡比翼。翠裙腰掩過半尺。攬臂帶釵了一圍。骨捱捱削了玉肌。瘦恹恹寬了綉衣。亂鬢鬆雲髮堆。困騰騰秋水迷。命懸懸有幾日。軟怯怯無氣力。

柳葉兒

我可甚千嬌百媚。全不似舊日容儀。閣不住兩眼恹恹。淚不能勾同歡會。則有分各東西。想人生最苦是。

別離。

尾聲

常記得枕席間說得言。星月底設來誓。誰想這辜恩。
薄倖負心賊。自相別數年。無信息。比及你登科及第。
我則索上青山化做望夫石。

詞林摘艷卷之七

商調商角調終

庚集